

宋朝大詔令集

宋朝大詔合集卷第一百三十六

政事八十九

四裔九

西夏四

賜夏國主進誓表答詔

詔夏國主省所上表臣等准制命將綏德城下界至打量二十里明  
立封堠交付了當訖者臣幼四世緒遵奉皇猷宿兵累年空阻瞻雲  
之望通盟此日遞陳獻上之勤上奉高明更無渝變虔遵聖訓分定  
戎疆踐土約辭昭著先朝之誓推忠納款堅持歸信之誠載圖方岳  
之勤庶答乾坤之施事具悉世膺爵寵為我翰落來陳封章率服詔  
令載惟忠順良所歎嘉弭兵息民子育萬國終始惟一時迪朕心爾  
不有渝朕無過舉已戒邊吏各守封疆所宜顯諭國人永遵先誓其

餘約束事節一依慶曆五年正月二十二日誓詔施行自今以後恩禮歲賜並如舊例故茲詔示想宜如悉

### 立夏國主冊文

維某年月日皇帝若曰古先哲王奄有區夏選賢維世以立諸侯外則撫鎮畛封內則屏趾中國肆朕慕服適追令猷敷考貢圖誕頒顯冊咨爾某性資沉勇世載忠良夙懷來極之誠深明事大之節衣綏種落式遏寇虐奉承前修嗣守舊約是用策勲而懋賞備物以嚴師績茂旃旌宜茅分土洎辰令吉長于西陲今差某官持節冊命爾為夏國主於戲世為宋藩惟忠實可以保位疆以戎索非信順無以乂民允懷子孫用隆厥緒欽哉迪予一人之休命可不慎歟

### 賜夏國詔

朕以爾膺受封爵世為藩臣職貢之修歲時無怠朝廷待遇恩禮加

隆頃以權強敢行廢辱達於予聽良用震驚嘗令邊州就徃移問臣而不報繼犯疆陞王師徃蓋計有罪義存極患非獲已焉今者遣使造廷辭禮恭順仍聞國政悉復故常朕心釋然深所嘉納已戒邊吏無輒出兵爾其遵守先盟永勵臣節永綏寵祿庸副眷懷

賜夏國主秉常詔

元祐六年十月癸酉

惟爾祖考介居邊陲蒙恩朝廷享有爵土拊循備厚歷年滋多昨者王師出征義存極患謂宜妥安而聽命敵愾以獻功豈虞靡思弗諭朕志殺害吏士捍拒甲兵問罪正名方圓再舉迫使辭之效順聞國政之復常旋納懇誠許修首職遽披來奏論請故疆朕惟蕃貺不吝削地示過資於故實匪朕所私爾其審思厥終務體至意

弔慰夏國主嗣子乾順詔

元祐元年十月庚子

故夏國主嗣子乾順惟爾先人世修職貢訃音忽至愍悼良深想與

諸臣同增悲慕惟忠可以保國惟孝可以得民各祇乃心以服王命

太皇太后賜夏國主嗣子乾順詔

元祐七年十二月十六日

紹夏國主嗣子乾順念爾守邦貌然在疚日月逾邁祖業有時緬懷孝愛之深想極攀號之戚往所稟事式昭異恩今差供備庫使張楙充弔慰使兼賜安葬故夏國主物色具如別錄至可領也故茲詔示想宜知悉冬寒汝比平安好遣書指不多及

太皇太后賜故夏國主嗣子乾順詔

同上

詔故夏國主嗣子乾順惟我列聖眷爾有邦非徒極其寵榮亦與同其憂患念爾哀疚惻然顧懷臨遣行人往諭至意且致奠贈之禮以為存歿之光今差朝奉大夫尚書金部郎中上輕車都尉賜紫金魚袋穆衍充祭奠使兼賜故夏國主贈奠物色具如別錄至可領也故茲詔示想宜知悉冬寒比平安好遣書指不多及

賜乾順進奉賀正旦馬駝回賜詔

元祐元年十二月二十四日

詔故夏國主嗣子乾順省所差人進奉賀正馬駝共一百頭及事具悉遠奉王正來歸時事惟此充庭之實率皆任土之宜乃眷忠勤良深嘉歎今回賜卿銀絹茶等具如別錄至可領也其差來人所賜物色亦具賜目故茲詔示想宜知悉春寒比平安好遣書指不多及

太皇太后同前詔

詔故夏國主嗣子乾順省所差人進奉賀正旦馬駝共一百頭及事具悉迷職春朝歸誠寧旅修此攷率之禮致其衆服之良再閱來章式嘉忠節今回賜卿銀絹茶等具如別錄至可領也其差來人所賜物色亦具賜目故茲詔示想宜知悉春寒汝比平安好遣書指不多及

賜乾順進謝恩馬駝回詔

詔故夏國主嗣子乾順省所上表進謝恩御馬一十疋長進馬二百疋駝一百頭事具奏臨帛之重以寵世臣恩報之深復馳來介載聞充庭之實備形述職之心乃春忠勤不忘嘉歎其差來人所賜物色亦具賜目故茲詔示想宜知悉

同上

詔云云同遣行人往時襄事繼陳方物來奉謝儀惟忠可以附民惟禮可以定國勉終誠節以副眷懷云云 同上

冊夏國主乾順文

元祐一年正月乙丑

皇帝若曰於戲堯建萬邦黎民時雍周立五等重譯來賀此帝王之所同而國家之成法也皆爾乾順惟我烈聖眷乃西陲錫壤建邦衛子王室保姓受氏同於宗盟爵命褒嘉恩體甚渥今爾承其冑緒紹茲蕃屏而能事上欽肅飭躬靖虔申遣使人來陳方物達于朕聽穹

惟汝嘉是用稽酌典故表顯寵名錫爾以茅土之封加爾以服采之  
教誥頒丕冊以經一方今遣朝奉大夫起居郎直學院上輕車都  
尉賜紫金魚袋劉奉世崇儀副使上騎都尉安喜縣開國男食邑三  
百戶崔象光持節冊命爾為夏國主永為宋藩輔夫篤於好德乃克  
顯先忠於戴君永膺福祉祇昭命無忝予一人之猷訓

賜夏國詔

元祐四年  
六月戊申

省所奏事具悉所有蘭州塞門兩處地上前詔批述已明毋復更有  
論請其永樂簡汰人口緣自牒報後來經隔歲久慮其間寔有死亡  
或後來却有續到人數今已降指揮下鄜延路經略司候將來送  
還到日若與元報人數不同亦令據令割計口支與賞緡仍將葭蘆  
米脂浮圖安疆四寨約一日給賜所有應合立界至去處並依已降  
朝旨及自來體例計會鄜延路經略司關牒道路帥臣各安官隨軍



相度認定守把不得更相侵越

賜夏國主詔

元祐四年六月丁巳

省所奏昨差人赴延州計會將永樂等人口及所還四處城寨交換塞門蘭州兩處地土實在朝廷酌中裁決事具悉爾嗣守世封處修貢職頃屬罷兵之後繼陳復地之言累降詔音備諭朕志豈謂歷時之久尚稽聞命之行忽覽奏封深亮誠款願改圖之議猶有披陳然事大之恭實聽裁決再惟忠順殊用款嘉雖易地之求當一遵於前詔而酌中之請宜別示於優恩除漢蕃地土指諭已明難復換易外所有歲賜擬前降詔命合候地界了日依舊今推特恩已勅有司更不候地界了當便仰換會依例施行爾其體朝廷恩信之隆謹封疆慎守之戒永思安靖用保悠長

賜夏國主詔

元祐五年七月乙酉

爾進領蠻幾恪循世守件來輯幣廷閱奏書永言疆場之安未即溝  
封之畫兩界絕直聲忠順而可喜千里蕪荒澠誠忱而有請力祈矜  
許冀還底寧惟析壤之求初無故事念安遠之議亦既累年顧省恭  
勤特行開納然綏德城本無存留草地詎自今既欲於漢界留出草  
地即於蕃界亦當依數對留應見今合立界至處並須明立封堠內  
外漢蕃各對留草地十里不令耕種仍各於草地以裏自擇安便處  
修建堡鋪如熟地內不可修建即於草地內修立各不得逼近界堠  
其餘疆畫未盡事已令押伴官委曲開諭進奉使副訖及已詔諭延  
路經界司夏國如欲議事許差人赴延州計議着方陞悅義之心既  
輸悃悃而朝廷綏遠之意已示優容宜深體於恩懷亟保和於封略

賜夏國詔

元祐八年  
四月庚申

省所上表遣使詣闕悔過上章及獻納蘭州一境地土綏州至合儀

寨亦取直畫定却有塞門乞還賜夏國等事具志朕統御萬邦敦示  
大信眷爾嗣蕃之始亟馳請命之誠爰給土疆復頒歲幣豈謂受賜  
而性輒興犯順之師中外交章神民共憤朕以爾在位未久勢匪自  
由姑戢伐罪之大兵聊用禦邊之中策仍敕驛吏許爾自新今則遣  
使來庭託辭悔過何乃謝章之初達遽形畫境之煩言況西藩故疆  
中國舊地已載前詔不係可還其分界雖曾商量在用兵亦合隔絕  
然則塞門之請殊非所宜定以東已有前論除河東廊延路新邊  
界至許從前約令逐路經畧司依前亦已令蘭岷經畧司依先降朝  
旨委官候夏國差到官詳先降指揮同共商量分畫緣夏國自元祐  
通貢受賜後來累次犯邊仍候諸路地界了日可依前別進誓表然  
後常貢歲賜並依舊例

賜夏國詔

元祐二年  
九月丁未

勅夏國主乾順省所上表具悉爾國亂常歷年於此迫爾母民復聽  
姦謀屢興甲兵擾我疆場天討有罪義何可容今凶黨滅除爾既親  
事而能抗章引愆真得自新朕嘉爾改圖姑從矜貸已指揮諸路經  
畧司令各據巡緝所至處明立界至并約束城寨兵將官如西人不  
來侵犯即不得出兵逼界爾亦當嚴戒緣違首領毋得侵犯邊境候  
施行訖遣使進納誓表當議許令收接

答夏國詔

元祐二年十  
二月壬寅

爾以克黨造謀數十邊吏而能悔過請命祈結先盟爾之種人亦吾  
赤子措之安靖乃副朕心嘉爾自新備從厥志爾無爽約朕不食言  
所宜顯諭國人永遵信誓除疆界並依已降詔旨以諸路人馬巡緝  
所至已立界墩之處為界無違川青唐已係納土歸順各有久來界  
至今來並依漢界及本處部族有逃叛入夏國者即係漢人并其餘

應約束事件一依慶曆五年正月二十二日誓詔施行自今後恩禮  
歲賜並如舊例

登極賜夏國主銀絹詔

元符三年

詔夏國主朕欽承駿命嗣守丕基眷西土之世臣實本朝之蕃衍宜  
推慶賜昭示寵恩今差左藏庫副使李昭珙賜登極銀絹具如別錄  
至可領也故茲詔示想宜知悉夏熱比平安好否書指不多及

賜夏國主進登位土物回詔

西夏國主省表具之賀登位并差人進奉御馬一疋長進馬二百  
疋駝一百頭事具悉朕丕承七聖光宅萬邦眷西土之世臣勅本朝  
之貢職黃朱布帛陪祿在廷猶見調羹廟嘉祐其差來人所賜物已  
亦具賜目故茲詔示想宜知悉冬寒比平安好否書指不多及

賜夏國主并南平王李乾德歷日詔

詔夏國主朕始承天命恭授人時眷言西陲李乾祐勅即世稟正朔  
廼前嗣歲誕布新書俾我遠民咸歸一統尚遵時令茲想政經今賜  
元符四年曆日一卷至可領也故茲詔示想宜知悉久寒比平安好  
否書指不多及

宋朝大詔今集卷第二百三十六

宋朝大詔令集卷第二十三

政事九十

四箇十

高麗

王仙封高麗國王制

太平興國元年十一月乙亥

國家外薄四海咸建五長端委并冕所以對越天命析王作土所以寵綏藩臣矧乃元菟之墟蓋有滄波之險屬賢王之即世有令嗣以代興不忘請命之恭宜舉念功之典權知高麗國事王仙家傳籍畧代濟忠純稟王正而靡違奉國珍而相繼限於溟渤密通口口介然一心彌堅於石席達茲累世不絕於梯航艱疾所鍾嗣襲無替宜推殊寵俾撫舊邦川加王爵之封克追先正之美可光祿大夫檢校太保持節 羗州都督大順軍使封高麗國王食邑三千戶

高麗國王王仙檢校太傅加食邑制

太平興國三年十二月庚辰

王者慈建皇極寵綏列藩矧茲元范之墟介乎滄海之外漢平朝鮮之地聿在提封唐舉遼水之師亦疲征伐自帝國之肇起勵臣節以彌堅稟正朔於天朝輸賦貢於王府冠蓋相望車書大同不有違俾之恩曷彰柔遠之道大順軍使光祿大夫檢校太保持節元范州都督上柱國高麗國王食邑二千戶王仙弓裘襲慶家聲炳靈奄有三韓逮茲累世善繼先志煦嫗及乎一方當畏簡書親譚來於萬里勤懇脩至嘉獎不忘宜舉寵章以顯忠烈可檢校太傅加食邑一千戶

王治拜官封高麗國王詔

太平興國七年十二月戊寅

並建萬國著於方冊之訓垂厥百世存乎帶礪之盟矧乃辰韓故墟敷教攸暨屬英王之云沒有介弟以丕承聿遵嗣襲之文式舉酬庸之命權知高麗國事王治世保海隅心存王室敦友弟以無棄紹堂



構而克恭守臣云亡所部寧謐遠修貢於王府未請命於天朝事大  
之心固推忠而斯至柔遠之義在懋賞以為先宜啓真王之封式進  
上公之秩併疏并賦用示寵章可光祿大夫檢校太保持節充兗州  
諸軍事元兗州都督充大順軍使上柱國食邑二十石仍封高麗國  
王

北伐遣使諭高麗詔

貞觀三年  
二月癸卯

朕誕膺丕構奄宅萬方草木昆蟲罔不蒙澤華夏蠻貊罔不率俾茲  
茲邊裔敢拒皇威徭強沙漠之中迷延歲月之命幽薊之地本被皇  
風向以晉漢多虞□□□□詩曰我疆我理東南其畋今國家  
照臨所及書軌大同豈使齊民陷於強敵今已董濟師旅誅滅妖氛  
元戎啓行分道開出即期誅翦以度混同惟王久慕華風素懷明畧  
輸此忠勤之節撫茲禮義之邦而接此□□因於蠶毒針世積闕其

在茲乎使可中戎師徒相為掎角叶比隣國同力底平奮其一鼓之  
雄戡此垂亡之敵良時不再王其圖之應擄獲生口牛羊財物器械  
並給本國將士用申賞勸遣監察史韓國華齊詔以諭之

高麗國王王治加恩制

淳化元年

門下朕自祇膺景命順孝義章荷元亨眷祐之仁膺青帝發生之令  
是用凝旻旒於正殿陳羽衛於廣廷萬方執玉以來儀百辟稱觴而  
就列慶茲涼德祇受鴻名宜章渙汗之恩遠耀辰韓之國具官王治  
風雲間氣韶華雅昔繼先世之徽猷啓真王之土宇派分緱嶺蔚為  
華顯之宗地接蓬邱宛是神仙之境爰自拱於北極為我東藩傾望  
雲就日之誠勵事大勤王之操瞻九重之象闕常拜表函越萬里之  
鯨波歲陳方物職修事舉朕甚嘉之屬改元行慶之辰降出綈懋功  
之典榮加奉邑寵賜功臣予於世勲豈愆殊渥爾宜愈堅愛戴善保

初終當同文同軌之朝竭惟忠惟孝之道永隆多福豈不善歟

賜高麗聖書

淳化五年七月壬子

制詔高麗國王所上書言鄰國侵寇事王雄長藩國世受王封保紀域之山河干戈載戢奉大朝之正朔忠義愈明姦詐遠人敢近都境假皇靈而煎塞越滄海以馳誠雖山戎執議於侵疆而天道固宜於助順省奏之際軫念良深

賜權知高麗國王事王徽起居回書

勅權知高麗國王事王徽人使金良鑑等至省所上表起居事具悉卿紹服東藩輸忠奕世衣冠成俗久被於華風玉帛致誠爰修於貢職問安甚至祝慶惟虔永念周勤寔深嘉歎故茲示諭想宜知悉春暄卿比平安好遣書指不多及

賜進奉回書

物云云 所進奉金器五事共重一百六十五兩合二副一副盛紅屬

藥袋二枚紅羅銷金畫複裏一副盛紅屬繫腰二副紅羅銷金畫複  
裏共用紅紋羅袂複封全紅紋羅袂外複二條盤環二副紅紋羅袂  
複封全共用紅紋羅外複二條注予一副紅紋羅袂複封全紅紋羅  
袂外複一條紅屬倚背一十隻紅紋羅袂複封全紅屬襦一隻紅紋  
羅袂複封全共用銀釵裝烏漆箱二副盛銀鎖鑰封全紅紋羅袂外  
複二條銀裝長刀二十隻銀釵裝烏漆鞘絲條全紅羅縐袋十箇  
封全緋羅縐袋十箇封全共用黃羅袂外複二條生中布二十疋生  
平布二千疋人參一千斤松子二千二百斤香油一百二十斤鞍二  
副金鍍銀橋瓦釵其屬大小鞵鞍紅羅鞍褥等全紅羅縐袂鞍複二  
條細馬二疋車具悉御風駛國使來造王朝累牘摘詞喜書文之道  
被方升辰貢願庭寔之旅陳載想恪恭良增展尚特加寵錫姑示至

懷今回賜卿衣著銀器等具如別錄至可領也茲示諭想宜知悉  
春暄卿比平安好遣書指不多及

賜進奉太皇太后皇太后物回書

勅云云 所進奉太皇太后皇太后金器各五事共重三百二十兩合  
各二副二副盛椒欖繫腰各一條各紅羅鎖金書複裘二副盛紅蘭  
藥袋各二格各紅羅鎖金書複裘共用紅紋羅袂複封全紅紋羅袂  
外複各二條盤錢各二副各紅紋羅袂複封全紅黃蘭倚背各一十  
隻各紅紋羅袂複封全紅黃蘭褥各二隻各紅紋羅袂複封全共用  
銀鈹裝烏漆箱各三副盛銀鎖鑰封全紅紋羅袂外複各一條生中  
布各二千疋生平布各二千疋人參各一千斤松子各二千二百斤  
香油各三千三百斤鞍各二副金鈹銀椅瓦錢具蘭大小靴襪紅羅  
繡袂鞍複各三條細馬各二疋事具悉卿以朕尊臨萬國順事兩宮

越因信使之來特致慈問之間詞重復物帶腆豈維是忠惠不忘  
獎屬爰申寵賚宜體春私今回賜卿衣著銀器等具如別錄至可領  
也故茲示諭想宜知悉春暄卿比平安好遣書指不多及

賜謝恩進奉回書

勅禮部高麗國王事王徽人使金良鑑等至省所謝恩進奉御衣二  
領黃羅絹金畫大袖衣一領紅羅綉袂複裏紅羅銷金畫窄袖衣二  
領紅羅袂複裏共用銀鞍裝馬漆箱盛銀鎖鑰封全紅紋羅袂外複  
一條金腰帶二條共重七十兩龍鈔一條紅羅繡錦袋盛金銀銀匣  
二副盛共重二百兩紅羅綉袂複封全紅紋羅袂外複二條金器二  
事共重二百兩餅二隻紅紋羅袂複封全紅紋羅袂外複二條銀器  
一十二事共重一千兩金花斚羅二隻緋羅袂複封全紅紋羅袂外  
複二條金花合一十副紅紋羅袂複封全紅紋羅袂外複二條色羅

一百匹色綾一百匹主羅一百疋生綾一百疋共用土藤箱四副盛  
黃羅袂複封全黃羅袂外複四條幘頭紗四十枚共用烏藤函二副  
盛黃羅袂複封全黃羅袂外複二條畫龍帳二對共用土藤箱盛黃  
羅袂複封全黃羅袂外複一條大紙二十副墨四百鈇共用金漆櫃  
二副盛黃羅袂複封全黃羅袂外複二條金銀裝蘭器仗二副紅  
繡袋盛黃羅袂複外二條金銀裝青皮器仗一副紅錦袋盛黃羅  
袂外複一條金銀裝緋皮器仗一副紅錦袋盛黃羅袂外複一條  
細弓四張紅紋羅袋盛弩二箭二十四隻細箭八十隻鞍二副螺鈿  
銀裝瓦鼓具紅紋羅鞍褥等全紅羅繡袂鞍複二條馬一匹車具悉  
卿乃者遠馳使指未厭方奇因其還歸厥有賜予覽奉封之符至貢  
龍還以彌功由是情辭有嘉誠節故茲示諭想宜知悉春暄卿比平安  
好遣書指不多及

賜國信并別賜書

勅權知高麗國王事王徽日域一方天沈重阻若乃撫封之守遐隔  
迷職之依使介言歸寵私特異庸答傾輸之意別加錫予之恩今人  
使金良鑑等回賜卿國信物色并別賜衣帶錦綺等具如別錄至可  
領也故茲示諭想宜知悉春暄卿比平安好達書指不多及音移想  
賜謝回賜銀器衣著等書

勅權知高麗國王事王徽人使金良鑑等至省所上衣昨入朝使陪  
臣御事民官侍即金悌回賜臣功德腰帶襪書對衣銀器衣著鞍馬  
等并謝事具悉向以使人之還別彰申諭實嘉忠順爰有匪頒忽拔  
剡奏之文具述傾誠之感深惟慈至載用稱嘏故茲示諭想宜知悉  
賜技齋祝聖回書

勅權知高麗國王事王徽人使金良鑑等至省所申奏於大相國寺



興國寺啓聖寺泗州普照王寺杭州天竺寺潤州金山寺等護齋祝  
聖事具悉卿等順王庭歸崇像教因使航之入貢卽覽利以祝延  
載惟忠款之勤彌注眷懷之厚故茲示諭想宜知悉春暄卿比平安  
好遣書指不多及

賜示諭書

勅權知高麗國王事王徽人使金良鑑等至省所上表乞借醫藥書  
聖人事具悉卿守土三韓希風中夏載露連章之表欲求衆技之良  
已勅計臣即加精擇特從勅請其體恩私所乞借醫藥書聖人已令  
發運使羅極送差逐邑人收拾行裝發遣前去次故茲示諭想宜知  
悉春暄卿比平安好遣書指不多及

賜高麗國王詔

元豐三年三月三十日

勅王徽卿祇慎一德拊循三韓精勤勞於歲年感疾瘵於支木頃者

聞問怛焉置懷求舍今之餘師按桐君之舊錄異善服食使躬有瘳  
迨踰寒暄何恙水已遐念所苦日絃朕憂驚想海邦德音駢使卿其  
專和致福虔意持神毋忘眷顧用介康樂

又詔

勅王徽朕惟卿飭躬秉禮斟酌海外風動旁國誠通本朝積勤不懈  
以觸霜露之疾嘗選遣侍醫加致藥物候音移想忽獲奏章何恙未  
瘳意體良苦朕于夙夜怛然為懷卿其時節寒溫強力服食專和嚮  
福稱朕心焉

又詔

朕誠嘉卿藩衛海服斟酌其民秉禮率義無一不若而勞勩不懈之  
故以逢霜露之疾是以選遣侍醫加致藥物吉德在躬何恙不已服  
食與疾比者何如疾于朕懷弗舍夙夜卿其專氣寧神輔之涕泣日

愍康樂以紆予憂

又詔

卿迪順世德撫寧海邦積勤晦明感疾霜露書奏開問風夜軫懷問  
者選遣太醫加賜百藥日佇良已用紆予憂卿其時節寒溫究考方  
技專心養氣庶意適神興臻和平遐別眷想

賜崔高麗國事王徽起居四勅書

卿躬迪禮義世載忠嘉每懷來極之誠風有撫封之譽問安甚至述  
職惟勤省閔情辭彌深眷賜

進奉四勅書

卿然服藩封嚮慕教問將使指仍獻國琛宜有恩頒用昭殊數

進奉國信物色并別賜

朕抵四海之權崇長樂之養適視膚使來上貢儀載嘉祇順之誠增

厚春存之意

為已未年漂失貢物今來進奉乞更不回賜勅書

卿頃以海道艱危方舟罹患使辭恭順誠好已通濟戎弗虞非絲篚視之逆幣帛將意時乃臣頌之帝載閱函封重陳方物願停蕃錫深諒素懷厚往薄來先王之義勿為勅請其體春秋

申奏設齋祝聖書勅書

卿面內掄忠佅來底貢依真如之寶制結取上之勝因惟是祝筵不忘嘉尚

進奉樂器勅書

歷絲古製嶰管新聲爰因使航來侑樂府永惟勤至良用嘉猗

謝醫藥進奉勅書

比銓醫師具將藥物旋開疾疢速底痊除重遣使人來陳報禮忠嘉

備至慰惻兼深

就遣樂人奏樂勅書

卿遠餉伶工來陳備奏諧和中律綴兆有容審聽諦觀良多嘉歎就加賜予式示褒優

如女直願將馬與中關為市時假道前來勅書

昔在先朝女直入貢每有良馬市于邊州屬川塗之阻脩綿歲時而復絕如聞行旅路涉累郊惟卿輸誠中國是屏許以假道庶其能來可遣使人往諭朕意

賜貢奉詔

汝久寄塞垣適臨夏仲維時令即底貢斯城載念恪勤不忘嘉賜

高麗依大遼例隸密院御筆手詔

政和三年二月二十三日

高麗自熙豐以來待遇優渥即與諸蕃事體甚異昨已陞作國信在

夏國之上改隸客省自今後特依大遼國例隸屬樞密院仍永為定制餘依已降條令施行

宋朝大詔令集卷第二百三十七

宋朝大詔令集卷第二百三十八

政事九十一

四箇十一

交趾

李德久

李日尊

李孔德

交趾黎桓加恩制 淳化九年

門下朕誕膺駿命祇荷丕基揚四征九伐之威大恢土宇昭五禮六  
樂之數用洽人神屈獻歲以發春乃順時而行慶眷惟巨鎮寔曰安  
南撫綏方倚於勲勞爵命必如於賢傑具官黎某提山河之秀為屏  
翰之臣明誠可動於風雲壯節不移於霜雪而自承予漢詔表我周  
藩丹激一涯望青霜而且遠方萬里瞻紫極以歸尊傾輸而玉帛  
駮介倚用而封疆是賴克推思愛慰彼黔黎綽然良帥之風謠若通  
侯之望朕以三元寶始萬景惟新爰伸率土之恩是舉疇庸之典榮

加奉邑無進崇階併示恩華益隆眷注於戲滿而不溢守富貴之宏  
規勇且知方為將相之成式忠孝可以垂帶譔思信可以寧土疆勉  
務令國服我休命可

李公蘊檢校太師加恩制 仁宗即位

門下國家運格熙平化敷清靜燭皇帝於有截浸忠澤於無垠天祿  
紀元載隆於景貺端闡發號允洽於大和肆于冲人累茲滿緒爰屬  
承祧之始用覃渙汗之恩乃眷賢侯早隆邦翰克著撫封之績宜推  
進律之文舉以徽章告于有位推誠順化保節守正翊戴功臣靜海  
軍節度觀察使置等使開府儀同三司檢校太尉同中書門下平章  
事安南都護上柱國南平王食邑七千七百戶食實封二千九百戶  
李公蘊器含冲密識本該明膺異稟於珠躔振雄名於海域詩書博  
習究為武之善經金石靡渝挺事君之大節而自登壇受任杖鉞訓



戎時其外禦之勞竊以真王之爵修方匪懈述職惟寅載嘉忠順之  
誠特霽然綸之澤視維師而進秩錫美號以褒功仍益爰田存加真  
賦斯為異數併示殊榮於戲渙渥之行式昭於無外崇高所保宜務  
於益恭祇服訓詞無忝休命可特授檢校太師同中書門下平章事  
安南都護充靜海軍節度觀察處置等使南平王加食邑一千戶食  
實封四百戶仍賜推誠順化崇仁保節守正翊戴功臣散官勳如故

李德政襲靜海節度制

天聖七年四月癸亥

國家內有百揆之官以經夫天事外有四封之守以扞于王家乃眷  
世藩之臣夙奠海隅之壤特頒丕制俾續舊圖安南靜海軍權知留  
後事李德政材維邁倫學以知變敏略自勝茲聞東藩之懷丹誠不  
渝素督邦風之慕方紹忠於先閥爰請命於本朝乃分上將之旌仍  
昨王封之上寵章並至英望攸歸於職誓若泰山永保世修之職歸

于寧旅無忘時貢之恭往綏爾民善固吾國可特授特進檢校太尉  
充靜海軍節度觀察處置等使安南都護兼御史大夫上柱國仍封  
交趾郡王食邑三千戶食實封一千戶賜推誠順化功臣

李德政加恩制 歲次四年十一月朔

門下朕躬親玉帛祇見郊邱率萬官以承休職百神而有次薦誠以  
德蒙后皇之並臨推福為恩塞穹壤而偕抃卷言列位助臧上儀內  
則相禮之虔外則獻力之恪司當飲至均第有勞其官李德政秉心  
懿恭執義光大昭啓王社安妥育人載甲令以翰忠航貢品而縣險  
一我尉候保茲東南屬欽崇之告成前景風以寧賞推乃作扞時予  
不忘宜益表功之華俾旌守方之童陪敷封邑衍寔幹祖於戲天瑞  
神琪紛綸於中窳朝俞國需激錫於列藩尚膺典冊之榮愈圖典器  
之績悲哉夙夜永綏爾邦可

李日尊靜海節度使安南都護交趾郡王制至和二年十一月乙亥

天下有道惟懷至仁王者無私不異殊俗眷結封於南服宜誕告於中朝安南道李日尊秉誼自躬撫撫無外善述乃父之志克保有邦之民奉藩勤王奕葉載德是宜分命茅土襲勳曷廢既寵視於公台復榮疏於王爵於戲敷德業遠故惠綏於汝家繼世象賢宜敷國於吾國寧民撫衆茂對休嘉可特授進檢校太尉充靜海軍節度觀察處置等使安南都護兼御史大夫上柱國仍封交趾郡王食邑三千戶食實封二千戶賜推誠順化功臣

李日尊加恩封功臣制

明堂

門下朕嚴帝親者茲惟聖人之事觀禮樂者必於王者之庭朕述三代之遺文宗五精之美報至音洽秦法物貝陳升紫煥之光以拜上昊之施零夢蕭之潤以澤四海之遐想賞以勞頒朝有命具官某

懷英達忠義堅明世享南交之封心馳中夏之化肆精禋之丕舉懷  
順節之素勤錯事合宮有嘉方貢之舊策勲大寢疇先巋典之行茲  
用錫號雲臺表功藝器衍以爰田之戶陪以真食之科存美壯猷益  
昭異教於威教民以孝固已配文考之功均國之釐不敢後列藩之  
服惟惠愛可以懷衆惟誠忱可以感神往迪于休永綏爾土可

賜靜海軍節度使同中書門下平章事安南都護交趾郡王  
李日尊明堂加恩告勅書

勅交趾郡王李日尊朕考古之遠乘秋之歛頒成宗饗昭輯止儀群  
心大和不應屢下乃眷南顧厥勤內輸能纂世封祚啓王土肆予駿  
祀樂爾鴻休但膺寵章茲懋素守今差使臣齎卿加恩官告勅牒付  
廣南轉運司令於界首就賜到可祇受兼賜卿國信物等具如別錄  
至可領也

李日尊進封南平王加食邑實封制

門下朕荷上穹之錫命承先帝之願言在疚而哀靡勝臨昨而懼弗類欽循故典大澤群方咨爾世藩之臣虔于內貢之職匪申丕誥曷表嘉庸具官某忠定孝恭剛明肅果學洞詩書之藎誠逾金石之堅北宅南交盡化海隅之俗義尊帝室常傾日下之心屬纂極之和辰謹頒朝之大政定訪太宮之策趣論盟府之書位王爵之崇徽蓋爰田之多賦於戲銘在鐘彝已載世功之舊誓若河嶽更均邦祚之長往迪順猷永有吉祿可

賜李日尊轉官告勅書

勅交趾郡王李日尊朕邇祇先訓登績丕圖享國之安繫于成業頌常之始渙以至思春爾保疆勦夫述職嗜熱外固救命大廷勉服世志永綏邦寵今差使臣齎卿轉官勅牒官告付廣南轉運司今於界

首就賜到可祇受兼賜卿國信使物等具如別錄至可領也

賜李日尊進象勅書

勅某省所上表差人進奉具志卿保有南裔列為外藩屬疆重之就寧馳奏函而申款邇方貢存篤世忠貞載諒傾轡靡忘嘆弊

賜李日尊進金帛犀象勅書

勅某朕結膺丕命奄宅多方賡世守於南陲能守虔于內貢載覽荆封之至有嘉述職之勤宜被寵頒且昭厚遇

賜南平王李日尊示諭勅書

熙寧三年二月八日

勅南平王李日尊省所上表稱於今年二月內親領本道兵甲乘駕舟航直抵南蕃與占城國及占臘國番兵交戰其占城占臘國兵甲一時敗散臣帶領兵甲回旋本道師旅保全舟航寧謐事具志卿與占城等國交戰即出逾時今親章奏備言勝捷並敦忠順良用歎嘉

朕子視兆民臣蓄萬國思偃消於中外共嬉遊於遐邇宜體至懷以綏後福茲示諭想宜知悉

賜靜海軍節度使同中書門下平章事安南都護南平王李

日尊麻日勅書

勅南平王李日尊朕稽古凝猷揆天休麻凡舟車之所暨皆正朔之所加適更歲令之端恭正人時之授勉經民務用迪邦彞今賜新熙寧四年麻日一卷至可領也

李日尊加恩制南郊

門下朕紹膺駿命稽用上儀祇事郊宮並受三神之福推恩方夏外交四表之歡吉于有司錫是在服推誠保節同德守正順化翊戴功臣靜海軍節度觀察處置等使同中書門下平章事李日尊體懷德善世濟忠勤莫茲南邦居有扞城之效衛我中國使無疆場之虞錫

之大將之旄旆以真王之爵往踐厥位欣戴於寵章未獻其琛用  
協成於禧事陪敦采邑褒進文階載加真食之封式允懋功之典於  
威人之所助惟怕冒於王靈國以永存願循守夫侯度率時新命保  
乃舊勳

賜南平王李日尊勅書

熙寧

勅南平王李日尊省所上表於熙寧三年八月內牒廣南西路轉運  
司取十一月差李繼元等部押象綱進奉已於十一月二十八日起  
離本道至十二月五日得邕州公文不許綱進上京進奉并沿邊界  
首戶口被邕州誑誘至多累牒邕州不為施行事具悉卿風紹世封  
善修藩職載披章表備亮恤誠朕每惟南服之一方越去中朝之萬  
里凡諸疆事皆安守臣已申勅戒之言俾盡撫綏之意仍諭邊候常  
通貢輸卿亦當安集部居謹原封堯無令侵軼深體懷柔載念恭勤



不忘嘉尚已指揮邕州如本道進奉綱連到來仰依例引伴赴闕經  
過州軍依舊例接待故茲示諭想宜知悉夏熟卿比平安好遣書指  
不多及

交趾李乾德靜海軍節度交趾群王制

熙寧六年  
二月庚午

國家統御四海茂建庶邦時惟蕃臣世有令德庸

故南平王李日尊嗣子乾德氣稟沈和性資純亮躬循美訓允蹈前  
猷惟爾祖涵父之忠言之甲令若乃子乃孫之慶用保厥家眷予稱  
嗣之良胄以苴芳之寵王封帥節正護南垂真食褒功悉膺異數於  
戡克念先~~帝~~惟孝與恭其保乂民永綏厥服可特授特進檢校太尉  
靜海軍節度觀察使等使安南都護兼御史大夫上柱國封交趾  
郡王食邑三千戶食實封一千戶賜推誠順化功臣

賜交趾郡王李乾德獎諭勅書

勅交趾郡王李乾德省所上表於去年十月內南界定蕃寨收申稱  
占城蕃王號楊卜户喇呵排靡牒名狀禮將幣兵甲二十餘人泊王  
妻子乘駕舟舩入來本道扶降至於今年正月已到本道稽顙克伏  
臣憫其忠節倍加充賜事具悉卿撫有方隅時惟屏翰因蕃渠之降  
附喜疆侯之肅清載覽露章深嘉底績永言恭順益用款啖故茲獎  
諭想宜知悉夏熟卿比平安好遣書指不多及

討交趾勅

熙寧八年十  
二月壬子

勅交州管内洞軍民官吏等眷惟安南世受王爵撫納之厚寔自先  
朝函容厥愆以至今日而乃攻犯城邑殺傷吏民于國之紀刑必撫  
教致天之討師則有名已差吏部員外郎天章閣待制趙禹充安南  
道行營馬步軍都總管經畧招討兼廣南西路安撫使昭宣使嘉州  
防禦使入內侍省都押班李憲充副使龍衛四廂都總管指揮使忠

州刺史燕達充馬步軍副都總管順時興師水陸兼進天示助順已兆布新之祥人知悔亡感懷敵愾之氣然王師所至弗進克奔咨爾士庶久淪塗炭如能諭王內附率衆自歸執據獻功拔身致順爵祿賞錫當倍常科舊惡宿負一皆原滌乾德幼穉政非已出造廷之日待遇如初朕言不渝衆聽毋惑比聞編戶極困誅求已戒使人具宣恩指暴征橫賦到即蠲除冀我一方永為樂土

詔占城占臘同討交賊詔

交趾為寇朝廷已議水陸攻討古城占臘於交賊素有血讎委許彥先劉初同募海商三五人作經畧司委曲說諭彼國君長豫為計置候王師前進協力攻討平定之日厚加爵賞

賜交趾郡王李乾德詔

燕寧十年二月

省所上表念臣年幼詔追回宣撫招討休散兵馬願依舊入貢并奏

謝過尤不復敢~~犯~~省~~事~~具悉卿撫有兩交世受王爵而乃肯  
德于命竊發邊疆遣師于襲行天討兵薄城邑廼始自歸朕惟卿  
方在稚年此非已出沒犯州郡豈其本謀引咎抗章辭迫意迫已勒  
將吏開匭自新務刷往愆祇順王命保安厥服豈不善欤可從所請  
自今依舊入貢所有克復州縣已令安撫司各遣人畫定疆界毋輒  
侵犯昨榜略省地人口可並送還大順命者庸長福貞固者多後虞  
勉思所送以保寵祿

答交趾郡王李乾德詔

元豐元年  
八月癸未

省所上表乞還廣源州門州蘇門州机縣等處鄉失於聽任擾求  
邊陲案祖考忠順之圖煩朝廷討伐之舉師行深入勢蹙始歸迹其  
罪尤在所絀削今乃遣使修貢上章致恭詳觀情詞燭見後悔朕綏  
懷萬國不異遠邇但以邕欽廉三州無辜之民遷徙遐陬久失鄉里

宜盡根剝牒送廣西經畧司交割俟人口歸復省地其廣源思琅等處兵甲當議追還復隸交州管屬前奏所稱構亂首領預押就界首斷遣以謝朝廷可如來請夫度命守封者可保於通福生事干紀者必陷於後艱其務自新永安爾服

李乾德加恩制

南部

門下朕祇遵舊章聲稱吉禮深憂清廟以嚴孝享之誠升烜紫壇以迓帝臨之眈眷言蕃服夙順朝廷方均錫於繁禧宜肆加於衆律某性推信厚世載忠純保王爵之隆名擁將旄之重寄莫忘南土不忘修貢之勤承衛中邦隱若維藩之固屬鉅儀之復考班寵典以示優行以升朕進之功號於載秩我元祀蓋答三神之休格爾歡心在敷四海之澤蓋思恭恪用對龍光

李乾德進奉回詔

席慶三靈宅師九有乃睠世藩之舊克共方貢之奇載閱露章簡牘  
對歎宜頒恩賚式示寵綏

又詔

中國載疇嘉節褒進寵章賜于大廷詔爾群群推誠保節忠亮同德  
順化翊戴功臣靜海軍節度觀察處置等使特進檢校太尉同中書  
門下平章事安南都護上柱國交趾郡王食邑八千戶食實封三千  
戶李乾德性資信順德協忠純席變世之勤勞殿南垂之疆場任重  
將旄之寄位兼相綬之榮拊循遠民越踰一紀而能謹為藩之誼殫  
事上之誠時飭使人來修貢職是用錫爾以有國之等土佩爾以真  
王之印章增衍爰曰陪敦寔賦於戲制節謹度無忘祖考之休流光  
垂榮永保邦家之寵服我明訓往承茂恩可特援依前檢校太尉同  
中書門下平章事安南都護充靜海軍節度觀察處置等使進封南

平王加食邑一千戶食資封四百戶功臣散官勲如故

賜封南平王李乾德制詔勅書

勅南平王李乾德朕子視兆民囊括四荒譬之仁天豈吝膏澤卿守藩茲久事上益虔高爵隆名極其榮顯庶緣天寵以服民心其思盡忠以稱恩禮今賜汝制誥到可祇受故茲詔示想宜知悉秋熟比早安好遣書指不多及

賜李乾德詔

元祐三年八月甲午

朕惟先帝聖德無愛懷柔遠方頃自富良班帥覽卿懇請即以廣源等州特行給賜繼緣安南首領妄認省地尋復遣官辨正分畫又於八隘之外以六縣二峒賜卿主領恩德之施可謂至矣朕祇述先訓務寧邊圉累降詔諭備極詳明勿惡勿傷無復可議其修築山隘割丁戍守疆場常事况又歸明在前築隘在後亦理無不可夫何所

疑尚有陳述蓋守藩之義以悞信為大母或請張朕言不升所有成  
卓因巡造樞機擅支物帑與外界首領有違條制昨據經界司劾其  
生事已行取實卿能追歛其物悉以送官載聞封章尤嘉恭順朕惟  
選服方倚令歆勉體至懷益綏多福

南平王李乾德加恩制

乾德二年九月二十六日

門下朕大饗季秋昭配神考肅恭盛禮燭潔孝思寅奉祖宗之休內  
修庶政偏復幅員之廣外無四邊通敷曠蕩之恩宜霽懷嘉之寵  
是消良日申告治達推誠保節忠亮同德守正順化翊戴功臣靜海  
軍節度觀察處置等使開府儀同三司檢校尉同中書門下平章事  
安南都護上柱國南平王食邑一萬一千戶食實封四千二百戶李  
乾德守在封疆世傳符印運籌於之明略撫有方隅勵忠義之坦懷  
繼輸貢篚方倚干城之效用推進律之文中衍戶封陪敦真食益新



功號式壯戎昭於戲分工建邦所以爲社稷之衛疏恩錫壤所以爲藩  
翰之榮服我眷思愈思惠迪可

南平王李乾德加恩制

宣和元年冬祀

門下朕卜習歲祥躬修郊類欽紫報本歆時上帝之休歸胙均釐燕  
及敷天下之福眷言南屏實衛中邦肆圖夾介之勞用渙復康之罷具  
官某賦材果毅挺節沉雄誠信不渝遠篤皇風之慕忠義自奮參聞  
夷落之懷速紆王帝之崇仍授將旄之重茲嚴恩祀丕藏上儀專誠  
撫封雖阻駿奔之助獻琛述職彌嘉丕享之誠肆因惠術之行爰厚  
藩禧之錫載加并賦中行戶祖於威得萬國之心既恭承於禧祀受  
百神之既宜共對于闕休往迪順猷永綏吉祿可

宋朝大詔令集卷第二百三十八

宋朝大詔令集卷第二百三十九

政事九十二

四萬十二

大理

大理國王段和譽加恩制

元祐六年

門下朕奉若先猷聿新太室惟聖人為能譽莫重于宗祧雖天子必有尊用嚴於昭配百禮既至萬福來求春乃外藩尊慈遠服肆均教於忠術庸丕告于治朝具官某氣稟沉雄性資恭順居有律民之略首輸享上之忠錫以將旄永作中邦之勳昨之王社先為南土之光特協季秋躬修元祀迄成熙事已頒我將之詩爰暨多方誕布蓂莢之澤載敷井賦并衍戶封申責遐陬益隆寵教於殿一人有慶既膺降格之祥四國于蕃其對函蒙之社往欽予命式固爾猷可

大理國入貢非筆手詔

元祐六年二月二十

朕嗣有令緒嘉與萬邦黎獻共惟帝臣外薄四海罔不率俾惟爾保  
邦越在遐裔久隔聲教弗反以政朕以道在宥天下大同六合為一  
不匿厥音往諭爾邦惟爾忠孝式克欽承臨遣使臣底貢于庭夫謹  
度而無危滿之心循理而知事天之義朕惟汝賢李崇琮來有司稽  
留不遺親禮詔命起召赴闕今其旋歸詳示慈意其既乃心往祇朕  
命

西番王尚書

至德

奉子何里奇

勝仕

謝遊川首領喃新囉站

東元元年二月

朕以吳賊猖獗侵驚邊隅累世稱藩資忠効順高牙巨節保我西  
陸憤茲醜羌常議討伐所宜早興師旅往襲空城乘彼未還據其根  
本父子竭立殄滅允崇今也其時幾不可失待詔到日刷領手下軍

馬往往賊界同力剪除如能成功當授卿銀夏等州節制軍令腹心  
人以起發日聞報緣邊經畧安撫司以憑舉兵應援仍賜對衣帶絹  
二萬疋

唃廝囉保順河西等軍節度使制

康定二年  
正月一未

國家建德以錫其土封進律以重其闡制蕃吾良帥寔殿外藩能體  
懷柔之仁素堅恭順之節特貽丕制中告羣倫西蕃邈川首領保順  
軍節度北州管内觀察處置等使金紫光祿大夫檢校太尉使持節  
洮州諸軍事洮州刺史兼御史大夫上柱國武威郡開國公食邑二  
千戶食實封三百戶唃廝囉志蘊沉雄性資端亮稟金方之勁氣控  
榆谷之遐區獨膺拔鉞之征遂享苴茅之寵護邈川之豪而恩信甚  
篤制夏臺之賁而義勇弗回擇茲涼土之雄益以漢壇之拜載惟異  
數以勵壯猷於戲旗義前驅兼統二邦之旅翰垣分寄仍陪回履之

封具思令圖勉稱明命可特依前檢校太保使持節洮州涼州刺史  
兼御史大夫充保順河西等軍節度洮州涼州管内觀察處置押蕃  
落等使

唃廝囉加恩制

庚辰四月十一日

門下朕涓選至日大報國正循三歲之常典率九州之助職上帝來  
享群望普懷已解玉鑾之嚴遂布金雞之慶或扞城宣力或景泛陪  
祠均敘乃勛並論而賞具官唃廝囉朴質有守忠孝不回光祚西上  
之良訓定中軍之教亭候完謹民屋阜安奉宣朝獻協底貢藝乘車  
乘馬則踵及有司垂素優卹則坐同吾圉食咨興議誠謂有勞用當  
釐事之成昭進寵階之等祔封大邑加食爰祖於殿天介鴻休式異  
雷雨之施國有繁興庸厚金石之臣進膺恩章益奮志舉勿休勿怠  
以究成勲可

喃斯囉加恩制 卽位

門下朕膺天寶命纂國鴻圖內則股肱大臣以維社稷之固外則蕃  
衛羣后以禦封疆之衝矧當視政之初敢後時庸之典誕乎延演寬  
穆師食其官某氣鬱泥雄知懷明果世宅西方之勁心勤內府之輸  
忠義貫乎神明厥敷謂於巨落師才占勝早專執銳之征盟府書勞  
懃我山河之誓肆承先帝之序中需有邦之選進服資之榮階均征  
朝之偉望陪之多戶行以真祖並懋寵光以昭興等於威靈屏王室  
罔無冰間之虞命契天心遠及景風之候蓋恢世烈者譽具永更氏  
始者澤非常懃綏順欽朕徽數可

喃斯囉授依前保順河西節度加食邑實累功臣制卽祀  
門下夫宅天下之意必歸上神之報爲人子之孝必嚴先烈之思朕  
親執豆蓬祇見郊廟來一氣之復以體天地之仁念萬靈之休以孚

邦漢之號時庸丕制首暨諸藩貝官某蚤承世封躬履侯度作屏于  
外自雄虎落之師述職于中有愛王府之貢肆若初之撫御尤不失  
其順祇迄駿祀於園丘宜冊勲於大寢爰益褒功之教用開寧土之  
聲斥以爰田陪之真賦併推異數庸答素勞於職維皇德澤之均始  
于近而加于遠維臣忠義之節善其初者惟其終勸宣令猷永錫蕃  
祉可

賜西路選川首保領順軍節度洮州管内觀察處置押番落  
等使董遵依喃斯囉例支請降詔

勅董程卿時推高略世濟茂勲方崇建於高牙且紹綏於舊土宜優  
廩祿之給以寵封疆之勞其體注懷毋忘欽荷

賜董程加食邑實封告勅示諭詔

勅董程卿材推擁豪代襲邦爵乃春守方之勛特頒爵祿之恩往奉

徵章永綏外圍今賜卿加恩官勅牒到可祇受故茲詔示想宜知  
悉

賜起復董纘官勅牒對衣等示諭詔

勅董纘卿材雄種落世守方隅眷恪奉於王翰宜嗣膺於考服特起  
苴麻之制更專鈇鉞之征往厲忠圖永綏休命已降制命除授卿起  
復冠軍大將軍右金吾衛大將軍員外置同正員充保順軍節度押  
蕃等使今賜卿官告勅牒并節衣金帶銀器衣著具如別錄至可  
領也

董纘落起復依前保順軍節度使加食邑實封制

門下四封之守伏許國之素勲三年之喪為報親之達禮乃眷西屏  
時惟偉臣方終慕於戎纘盡還儀於命載我有明制格乎丕典具官  
某以材資之雄自高於勲落以誠節之効蚤衛于王家獨探神韜之



奇時歸軍旅之貢遠靖邊殞命離父艱起素經於廬中屬辭旄於閭  
外銘在金石具將一心之勤誓如山河盡荒先正之履維是苴麻之  
飾亦既日月之除肆下書於外庭式加寵於舊服昨以爰田之戶陪之  
真井之租用嘉乃勞不顯亦世於戲白駒過隙忽驚祥事之陳金鉞  
傳家更贍元戎之畧忠孝並務失不美歎可

董璉特進制

熙寧三年

門下國家蠲潔大德懷柔四方懋宣行葦之仁橫被蓼蕭之澤遐邇  
無間內外一均西蕃邈川首領保順軍節度洮州管内觀察處置押  
蕃落等使金紫光祿大夫檢校太保使持節洮州諸軍事洮州刺史  
兼御史大夫上柱國常樂郡開國公食邑五千一百戶食實封一千  
一百戶董璉氣稟沉雄性資柔毅載勲庸於奕世開土宇於西陲早  
膺旄鉞之榮撫有洮湟之地祇勤厥事忠誠著於皇家糾遘不虞威

今行於戎落修其職貢保我畛封宜陳錫於寵章用褒於義志位  
進異等食衍真封豈繁鎮服於爾師抑亦光華於殊俗於戲王官互  
重固不徒施臣道惟艱諒無虛受勉服休命益思壯猷可特授特進  
依前檢校太保使持節洮州諸軍事洮州刺史兼御史大夫充保順  
軍節度洮州管内觀察處置押蕃落等使仍舊西蕃邈川首領加食  
邑一千戶食實封三百戶勲封如故立者施行

西蕃邈川首領董瓊移鎮西平節度制

王者之撫殊方蓋用威懷之道伏藩之衛中國莫如信順之心眷惟  
偉臣莫我西屏未諭誠節宜沛恩徽西蕃邈川首領保順軍節度洮  
州觀察處置押蕃落等使開府儀同三司檢校太尉使持節洮州諸  
軍事行洮州刺史兼御史大夫上柱國常樂郡開國公食邑七千二  
百戶食實封一千七百戶董瓊器懷閎深材資勁敏自雄部落世傳

旄鉞之封壹意朝廷舊載山河之誓恭歸貢於宰旅思作扞於王家  
朕方推至仁以示大信徒湟水之節以華爾衆錫雲臺之號以表爾  
功中衍并腴併疏賞典於戲沛四海之澤益敦柔遠之風守一方之  
衝勿忘事大之義往欽休命尚迪壯猷可特授依前檢校太傅使持  
節鄯州諸軍事行鄯州刺史兼御史大夫西平軍節度鄯州管内觀  
察處置押蕃落等使仍舊西蕃遊川首領加食邑一千戶賜推誠順  
化功臣

董瓊加恩制

門下朕丕承五聖式辟萬方茲用康年有嚴宗祀右我文考如格聲  
容無于皇天若楫光景是廣神明之澤以同海宇之歡騰惟蕃衛之  
邦瀕此河湟之塞特推恩渥示勸忠勞具官董瓊義冠西州名聞諸  
國傳旌旄之世享勤玉帛於方來遠邇雖土疆之殊信誠猶符契之

合屬慶成於熙事宜用舉於獲章增寵聯名陪敦賦色於戲好德錫  
福共樂於嘉時流光垂榮永寧於後裔克綏爾祉遐副朕心

西蕃邈川首領董璁進奉回詔

處共臣職恪守封陲遠輸任上之誠來効克廷之供載嘉忠順彌用  
膺懷

董璁加恩制尚卿

門下朕承五聖之謀躬萬方之治明昭上帝迄用康年燕及皇天介  
以繁祉迺來長至之序載舉肇禋之文仰答三神之休大均四海之  
澤眷言藩服誕布徽章具官某撫有一方翼戴中國世擁將旄之重  
遐膺玉爵之封貢頤百名祇修於常職相予肆伐屢奏於膚公屬茲  
鉅典之成宜有茂恩之獎增加功勳陪衍爰回於戲盡慎宗折朕既  
申於福祿流光後裔爾益茂於忠純往服寵章勉固蕃衛

二月二十八日

董禮授檢校太尉加恩制 元豐八年  
括宗即位

門下朕席二儀之賤命荷六聖之詒謀君臨萬邦思享安榮之寔澤  
及四海固無遠邇之殊矧惟藩衛之邦控我河湟之塞特疏寵渥用  
勸忠嘉具官某保有一隅長雄諸部旌旄世守能堅事大之誠玉帛  
繼來不替修方之舊屬續承於洪緒思頒布於徽章視秩掌武之宗  
行職爰田之入於戲承天發政朕方念於永圖保國垂榮爾益堅於  
亮節勉循恭恪用副眷懷

西蕃阿里骨起復河西節度制 元祐元年  
二月丁丑

先王成鞏石之固立封疆之界以相維君子不奪人之親為金革之  
事則無避賤河湟之重屏罹苦塊之大憂稽師厥常起授以位故西  
蕃邈川首領河西軍節度押蕃落等使武威郡王董瑄男銀青光祿  
大夫檢校工部尚書使持節肅州諸軍州事肅州刺史充本州防禦

使兼御史大夫上柱國阿里骨材謀俊偉器識宏深翼戴本朝長雄  
諸部粵自先正服勤王家玉帛走乎中原旌麾固於吾國興言濟美  
之嗣蚤有教忠之聞用擢從銜恤之中付畀維藩之寄錫之舊履  
寵以高牙總金鉞以治戎服墨纁而泛政視秩空土衍賦爰田於威  
河山之固永存勿忘賜誓弓矢之傳猶在來助專征益懋忠嘉以對  
恩渥可起復冠軍大將軍右金吾衛大將軍兼外置同正員檢校司  
空使持節涼州諸軍事涼州刺史充河西軍節度涼州管內觀察處  
置押蕃落等使西蕃邈川首領封寧王塞郡開國公食邑二千戶食  
實封一百戶

誠約西蕃邈川首領河西軍節度使阿里骨詔

元祐元年六月壬寅

昨得卿父董禮文字稱身有重患且死蕃家國土事已教男阿里骨  
管勾朕以卿祖考忠順朝廷世受封爵已降制口令卿襲封及賜衣

帶支給請受等卿繼世之初人情口口固當推廣恩信惠養一方今  
聞卿自管勾以來頗峻刑殺部族之衆諒不遑寧雖出傳聞未忘憂  
想卿宜以繼承為重以仁厚為先無恃寵榮務安種落副朝廷所以  
封立之意思前人所以付與之心

阿里骨加恩制

元祐明堂

門下朕躬執圭幣祇祀帝親孝奉天儀以答上神之况澤均雲施以  
興萬物之和眷言藩服之良風順朝廷之命宜頒褒律以召群工具  
官某器識沉雄性資信厚能紹承於世美遂獲錫於節旄保有西陲  
久載維蕃之節翼衛中國不忘脩貢之勤方獲考於鉅儀因肆加於  
寵典視秩帝保衍食井腴於歲三神之產惟孝為能致饗謹諸侯之  
度惟忠可以提身往承寵榮永肩恭順

賜新除檢校太保依前河西節度使阿里骨加恩官告勅

書

勅阿里骨朕消選靈辰奉承宗祀肆均介福徧暨多方卿世撫侯封  
風虔朝命特加寵渥用獎忠嘉今賜卿加恩官誥到可祇受故茲詔示  
想宜知悉冬寒卿比平安好遣書指不多及

賜阿里骨詔

元祐三年  
七月辛亥

勅阿里骨省所差人進奉及乞今後依前差報次上京進奉事具悉  
惟爾祖先世篤忠孝本與夏賊日尋干戈亦惟口我朝廷爵秩之隆  
用能保爾子孫黎民之衆肆朕命爾嗣長乃師而自承襲以來疆首  
外擅爾弗能禁恣其所為遂據洮城以祀王略陰連夏賊約日盜邊  
朕懲屬羌之無辜出徧師而問罪元惡俘獲餘黨散亡山後底平河  
南綏服朕惟率酋豪而捍疆場乃爾世功叛君父而從仇讎豈其本  
意庶能改過未忍加兵果因物以首誠願洗心而効順爾既知悔朕



復何求已指揮熙河路更不出兵及餘已招納列部族外住罷招納  
依舊許般次往來買賣及上京進奉爾宜約束種類共保邊陲期寵  
祿於有終知大恩之難再物使來延復為虛言故茲詔示想宜知悉

西蕃邈川首領阿里骨落起復制

元祐三年十月乙丑

義始墨義金草之事無避禮終素蹕苴麻之夜既除眷爾舊蕃班序  
新命誕揚渙號明諭周行西蕃邈川首領河西節度涼州管内觀  
察處置押蕃落等使起復冠軍大將軍右金吾衛大將軍檢校太保  
使持節涼州諸軍事涼州刺史上柱國寧塞郡開國公食邑三千戶  
食實封八百戶阿里骨材稟豪英氣懷鷙勇名克服於殊俗德允懷  
於種人忠孝傳家封河山而永誓勤勞繼伐賜鈇鉞以專征外全保  
塞之功初畢通喪之制念言遠屏更界榮名越進文階之崇益增武  
節之重陪敦邦賦衍食戶封盡迪順歆式昭徽數於戲天下有道四

封之守外安朝廷以平萬里之威內附永康四海遐衛中區其肩乃  
心以服朕訓可落起復特授金紫光祿大夫依前檢校太保使持節  
涼州諸軍事涼州刺史河西軍節度涼州管內觀察處置押蕃落守  
使仍舊西蕃邈川首領加食邑一千戶食實封三百戶勲封如故

宋朝大詔令集卷第二百四十

政事九十三

四裔十三

西蕃十

賜阿里骨詔

熙寧三年四月丙辰

阿里骨累據熙河路經略安撫司等奏及近淮進奉渴失納余寵到  
關累以夏人情狀傳報朝廷事具悉卿嗣有封域世為藩垣而能屢  
覘敵情密陳邊計嚮風助順益見忠勤宜示寵存載加勞賚今差禮  
賓使李宇供備庫副使王師忠充撫諭使副往彼撫問及面諭朝廷  
旨意

阿里骨檢校太尉依前河西節度仍舊西蕃邈川首領加  
恩制

門下朕祇率先猷肅恭蒞祀爰用季仲之吉虔脩嚴父之祠迨此令  
時備成熙事內則臣工之顯相外則侯衛之綏和乃眷列藩宜推異  
數西蕃邈川首領河西軍節度涼州管内觀察處置押蕃落等使特  
進檢校太傅使持節涼州諸軍事涼州刺史上柱國寧塞郡開國公  
食邑六千戶食實封一千七百戶阿里骨夙明韜略世守封陟式遏  
種羌用謐寧於邊鄙屢陳貢篚效誠款於中邦體茲恪勤益隆眷遇  
是用崇進本兵之秩敦昭真食之封於戲盛禮廢成願湛恩之靡問  
藩維任重期諒節之益虔祇服恩榮愈懷惠迪可

西蕃首領隴拶河西節度制

元符三年三月

門下朕嗣國大統紹休前人表正萬邦內有不率外薄四海咸與惟  
新眷茲內附之藩厥有未降之長示之大信中以茂恩孚告治朝誕  
揭休命西蕃偽王隴拶襲承世裔擅有方隅偏師出疆舉國請命盡

獻其地咸來于廷朕嘉其國人投戈內屬眷乃先世述職靡愆敦柔  
遠能邇之仁念推亡固存之義俾紹厥緒往即乃封微龍右之王疆  
付河東之旄節錫田敦賦開國啓封以示大公以安遐徼於戲績乃  
舊服尚克紹於前脩作我新民其無蹈於後害欽予時命惟爾之休  
可特授河西節度使知鄯州軍州事

贈征懷遠節度使制

門下朕肇績洪業寵綏庶民無有邇遐罔不率俾廼眷求降之國時  
惟外屏之尚中以主恩告于列位西蕃邈川首領河西節度使檢  
校太傅贈征紹承先世撫有西陲早怙冒于王靈久持循于侯度修方  
惟謹向化益虔遠裨將之來邇呼軍門而請命盡率其衆咸造惟新  
授以命書增其官秩易茲旄節敦厥邑封於感俾此外庸朕克承於  
前烈勵其臣節爾無失於後圖尚既乃心往祇厥服可特授依前檢

校太傅懷遠軍節度使琳州刺史

賸里結等拜官制

勅大首領賸里結等河隴諸郡皆漢道民慕義而來實自今始爾等  
從其君長歲造在建祖聖壇表改襲冠帶嘉其忠順超授王官俾職  
微以為邊且嚮風而表屈服我新命往圖報稱可充本族都巡檢

青唐首領撒結逋厥難歸順補內殿承制制

勅朕嘉遠人款塞歸詎不有恩獎何以懷休超授國官通籍殿內其  
承朕命尚一乃心可

元符三年五月

西蕃溪賧羅撒西平節度西蕃邈川首領制

崇寧元年十一月丙戌

戌

門下王者無外夫何遠邇之殊天下為家寧有戚疎之間五方異俗  
一視同仁矧西土之舊藩寔零居之近塞稱雄諸郡繼踵有人能慕

義以歸心宜告迁而錫命西蕃溪餘羅撒淵謀出眾驚勇絕倫義不  
援邊守集裘之故業忠於事上走玉帛於中原有勞我疆自爾先世  
比雖隔絕終不變渝惴然遠圖寵以異數惟湟中之奧壤存漢氏之  
名城建大將之旗徃當一面持樂都之節坐護諸羌稱公渥注視秩  
空王於戲昔祖宗懋賞山河之誓猶存父子輸誠鍾鼎之銘不滅  
益勤偉績尚有殊恩可特授金紫光祿大夫檢校司空充西平軍節  
度使西蕃迦川首領上柱國特封燉煌郡開國公食邑五千戶食實  
封五百戶

諸蕃

安撫秦州蕃部尚波于詔

建隆三年六月丁未

朝廷置制邊防撫寧部落務令安集豈有侵漁比來秦州元設三寨  
只要採斫材植供億京師雖在蕃漢之交不妨牧放之利汝等遮欄

木祇傷殺軍人尋命使臣往波和斯近得高妨奏汝等四十七人見已拘留聽候奏汝等久懷忠順謹守封陲昨緣事出於一時致此紛擾朕料汝等必悔前非宜示懷柔各從寬宥今賜汝等錦袍銀帶至可領也已除節度使吳延祚往伸安撫仍令還汝等舊地各歸本族共體深恩如或更敢犯邊當議盡加誅滅

山後兩林蠻王歸德將軍勿尼等進官制

太平興國三年九月己酉

山後兩林蠻王歸德將軍勿尼懷化將軍勿兒等充慕毅名遠修職貢宜賜天朝之命俾為夷落之榮勿尼可特授歸德大將軍勿兒可特授懷化大將軍

沙州曹延祿拜官制

太平興國五年四月丁丑

王者推赤心以待人修文德以柔遠矧河隍奧壤久隔於皇風疆場多虞尚勤於戎索乃有輸誠而內附所宜加等以推恩權歸義軍節





近年以來頗為契丹所制侵漁爾封略塗炭爾人民無協比之思有并吞之志朕聞汝迫於□□屈膝事之誠慮濟多誅求無厭雖欲報怨力且不能今黨旗破殺之秋是汝國復讎之日所宜盡率部族來應王師俟逆黨剪正當大行封賞與汝懇能效順朕不食言今遣使諭意

入於朝廷朔漢之外悉以

答安定國公烏元明璽書

太平興國六年十一月甲辰

制詰安定國公烏元明女直使至得所上表以朕常賜于詔諭旨且陳感激卿列國遠裔名王茂緒奄有馬韓之地介乎鯨海之隅為□□之所侵奔本上而逃難沉寃未報積憤莫伸矧彼□□尚搖冀毒□遣王師而薄伐況又天災之流行收政相尋滅亡可得今國家已於邊郡廣屯重兵只俟窮冬即行天討卿若能刷累世之恥興舉國之師當予代罪之秋是汝復讎之日朔漠底定爵賞大行宜思永圖

無自安便矧又渤海願歸於皇化扶餘已背於敵庭激勵其心糾合其力指期同舉必集大勲勉効純誠勿辜前志重溟所阻遣使未遑眷想之懷鑒寐無捨

賜潘羅支詔

景德元年六月己卯

渭州引送卿凡邦通支并教練使楊超到京覽卿等蕃書奏狀言去年十二月二十八日與李繼遷闕敵大段殺下蕃賊却被賊人奴去牌印官告衣服器械等再乞頒賜并望差禁城人給畚鍤令使臣到彼其隔遇遷賊處人却投來者並乞押來其進奉馬價乞支絹等事並已依奏別降宣命指揮卿忠順朝廷保庇部族誓殺兇狂之黨益堅臣子之心遠率種人同拒賊黨戰鬪斯久殺獲頗多每念爾誠不忘朕意此外卿所奏欲取七月共回鶻并六合蕃部宜位賀蘭山掩殺賊眾乞大兵來靈州會合管殺遷賊者朝廷近知繼遷已死未終

殞矣所以未欲討除今卿等既領師徒遠平讎敵免為後患甚是良圖所乞會兵即緣地理稍逆月日未定今朝議候卿等才集諸族人馬起離西京即差心腹人走馬齎文字報經原鎮戎軍部署司已令至時不候朝旨率兵前進直至醜泊蕭關天都山已來牽制賊徒伏截道路賊界定須兩面救應如此邀擊必可成功彼中諸事更切審詳佇靜邊陲永保富貴

潘羅支追封武威郡王制

景祐元年十月丁酉

將帥守方忠賢盡瘁屬其殂謝必有追榮故西涼府六谷都大首領朔方軍節度靈州管內觀察處置營田押蕃落等使靈州西面緣邊都大巡檢使潘羅支生于西陲蔚有異稟率其種族扞我邊防効難譯以貢珍寔堅誠款裂藩垣而昨土頗極恩徽遽此淪亡寔增惻悞宜加異數用獎忠魂可追封武威郡王

廝鐸督朔方節度制

景德元年十月癸卯

河湟右地朔漢與區襟帶華裔請得王國眷懷邦傑以績舊勲廝鐸督唯爾之兄素傾誠保封疆而不聳奉正朔以惟寅式遏外虞勤宣乃力固已錫之車服寵以麾幢併翰塞垣式康節法遐茲徂謝彌用盡傷唯爾隸華聯華金行稟氣善膺願託頗震威名宜陟帥壇嗣專方伯侯氏之職盡以授之期著茂勲光于舊服長撫西夏為吾信臣可金紫光祿大夫檢校太尉靈州刺史充朔方軍節度靈州管内觀察處置營田押蕃落等使兼靈州西面緣邊都大巡檢校使西涼府六谷都大首領封西平郡開國侯食邑一千戶命用仲恭倚

賜甘州回紇天聖五年辰日勅書

皇帝舅舅甘州回紇外甥歸忠保順可汗王夜落隔國家奉若上穹修明舊典命清臺而候氣布元祿以授特卿雄略挺生純誠克茂控

臨河塞就望闕庭式遵頒朔之規聿洽同文之化體茲朝獎祇率國  
章今賜卿天聖五年正月一卷至可領也

甘州外甥回紇可汗王夜落隔可特進懷寧順化可汗王  
制

勅王者孝治萬方蓋重展親之典恩加群后務昭崇德之規矧在吾  
甥久經遠略特舉褒優之命用伸眷倚之思其官某茂烈傳家英威  
服衆智慮深邃詳練於武經志略貞方克敦於臣節而自撫臨西夏  
屏翰中原允彰保塞之勲特茂勤王之業仍遠修於職貢用愈見於  
忠誠寔簡朕心特隆朝獎進褒功之懿號兼馭貴之榮階竇越等威  
用旌忠毅噫山河誓寵朕罔吝於推恩金石盟心爾無忘於報國終  
始惟一永保令名可特進懷寧順化可汗王

趙懷德加恩制

門下朕嚴恭以嗣厥服祇威以典神天藏事國陽迎釐帝所布護無  
方之澤鋪昭有永之圖渙發龍光時嘉忠勸河西軍節度涼州管內  
觀察處置等使持節涼州諸軍事涼州刺史上柱國武威郡開國公  
食邑二千戶食實封五百戶趙懷德氣剛而果謀順而臧夙向日以  
傾誠爰欽閑而來享虔共王命信侔金石之堅膺受師符寵有節施之  
寄屬聲裡之追禮播顯號以疏恩增衍本封併隆異數于以示朝廷  
之勸豈徒為臣寮之榮於戲敷錫庵鴻泛灑春容之澤恪遵明命更  
輸忠悃之誠益殫厥猷於是為稱可特授依前持節涼州諸軍事涼  
州刺史充河西軍節度涼州管內觀察處置等使加食邑五百戶食  
實封貳百戶勲封如故

趙懷德贈開府儀同三司追封懷化郡王制

門下齋壇登拜生而極體貌之隆密印追封殘則致哀榮之備膺茲

異數屬我信臣雄武軍節度使檢校司徒順口郡王趙懷德性稟忠  
醇氣貫沈鸞擅類當之勇而志慕中國礪日碑之節而名聞外庭奉  
國籍以款閔蚤承殊賧練輜鈴而捍塞久賴壯猷遽覽訃音中加贈  
典進視宰司之重就更王爵之崇併錫恩榮益彰悼念九原光寵豈  
徒依賁於英魄萬里風教庶用招懷於獷俗體予至意尚克歆承可  
特贈開府儀同三司追封安化郡王餘如故

賜于闐國砮鱗黑汗王進奉勅書

勅于闐國砮鱗黑汗王省所差人進奉馬一疋金五十斤玉鞍轡一  
副胡錦一十八段事具悉卿介居藩服馳望闕庭露函奏以致誠出  
方奇而底貢者惟來享良淑嚮風仍傳象譯之言願觀使華之盛須  
期通道始議遣行載念恭勤殊深嘉歎所進到物色今回賜卿錢二  
百貫文其馬一疋十貫文以浙絹充兼別賜卿國信物對衣金腰帶



銀器衣著等具如別錄並交付差來首領尹納祝等至可領也將到蕃書文字譯得乞差人般赴本國候通路行日相度遣使故茲示諭想宜知悉更熱卿比平安好遣書不多及

賜于闐國黑汗王進賀登位勅書

元祐

勅于闐國黑汗王省所差人進奉賀登位事具悉卿守藩西極慕義中華遠聞踐祚之新來致梯山之貢眷言忠恪良用歎咨回賜卿銀具如別錄想宜知悉

同前

勅于闐國黑汗王省所差來進奉使阿保星進到真珠等事卿遠馳專使來效貢琛載詳象譯之言深亮勤王之志並降褒賜以答忠誠今因阿保星回賜卿銀絹其所差來人亦各賜衣帶等想宜知悉

賜西南羅蕃進奉勅書

勅何以用省所附硃砂一裏纏一領馬一疋事具悉汝世為要服時  
款塞垣志慕華風來修職貢載惟忠恪良用款咨今回賜紅中錦夾  
旋欄一領八兩金渡銀腰帶一條衣著一十疋至可領也故茲詔示  
想宜知悉秋冷汝比好否遣書指不多及

賜溪洞蠻人彭元宗等進奉端午布勅書

勅彭元宗等省所進端午節溪布三十疋事具悉汝世能齊壤心慕  
華風來修任土之儀遠效充庭之寶載惟勤惓良用款嘉故茲示諭  
想宜知悉

賜溪洞彭儒武等進興龍溪布勅書

勅彭元宗省所進奉興龍節溪布三十六疋事具悉汝世能保境志  
在觀光遠修任土之宜來備充庭之寶載惟忠恪良極款嘉故茲詔  
示想宜知悉

宋潮大語全集卷第二百四十

宋大詔令跋

宋大詔令跋  
堂集陸心源

宋大詔令

二萬四千卷  
郡志讀方志宋宣猷公家編纂也皆中吳

以前之典

嘉定三年李太吳刊于建甯直學

出錄解題曰寶漢

陶直學士

孫章李太吳刊于建甯直學

獻公子孫所編纂

心玉海

此宋紹興中出于宋綬之家恩葉唐大詔令乃敏求所

編纂

編纂

謂是宋綬子孫所編纂也久淵閣書目經濟類宋大詔

令

令世四冊

不全殆即此書也宋其北宋詔令自建隆迄宣和分

編纂

帝統

太皇太后皇太后皇太子皇子親王皇女

帝統

宗室

宰相

宗室

宰相

宰相

宰相

瑞臨室

文	曰	光	豫	陵	素	太	合	致
曰	追	立	曰	皇	躬	皇	曰	見
降	命	曰	遣	太	曰	后	三	土
黜	曰	礼	令	后	恩	之	張	嘉
曰	謚	儀	遣	之	降	曰	冊	謚
追	謚	曰	詔	此	曰	十	曰	之
命	曰	命	曰	十	有	十四	遣	十
皇	謚	曰	謚	一	命	曰	豫	二
太	冊	曰	謚	曰	服	曰	庶	曰
子	曰	太后	曰	子	舊	子	曰	片
之	哀	皇	冊	之	曰	曰	內	位
目	冊	后	曰	曰	遠	誕	祥	曰
十	妃	后	哀	號	曰	曰	曰	誕
一	嬪	之	冊	曰	謚	建	漢	節
曰	目	七	曰	冊	謚	宮	制	曰
奏	五	曰	山	文	曰	殿	曰	以
請	曰	子	陵	曰	謚	曰	謚	元
批	四	立	皇	所	冊	戊	曰	曰
卷	職	曰	太	政	曰	冊	謚	名
曰	曰	冊	妃	曰	哀	曰	冊	諱
建	臣	文	之	礼	冊	御	曰	曰
立	拜	曰	月	謚	曰	知	哀	子
曰	曰	降	四	曰	山	曰	冊	號
敕	冊	黜	曰	遣				批
曰								

禘	曰	禘	曰	禘	曰	禘	曰	禘
曰	明	曰	明	曰	明	曰	明	曰
祖	明	祖	明	祖	明	祖	明	祖
宗	曰	宗	曰	宗	曰	宗	曰	宗
加	天	加	天	加	天	加	天	加
溢	神	溢	神	溢	神	溢	神	溢
曰	曰	曰	曰	曰	曰	曰	曰	曰
滿	地	滿	地	滿	地	滿	地	滿
禋	而	禋	而	禋	而	禋	而	禋
曰	曰	曰	曰	曰	曰	曰	曰	曰
配	山	配	山	配	山	配	山	配
饗	川	饗	川	饗	川	饗	川	饗
曰	曰	曰	曰	曰	曰	曰	曰	曰
展	雜	展	雜	展	雜	展	雜	展
禘	祀	禘	祀	禘	祀	禘	祀	禘
曰	曰	曰	曰	曰	曰	曰	曰	曰
饗	利	饗	利	饗	利	饗	利	饗
曰	曰	曰	曰	曰	曰	曰	曰	曰
饗	曰	饗	曰	饗	曰	饗	曰	饗
陵	親	陵	親	陵	親	陵	親	陵
名	謂	名	謂	名	謂	名	謂	名
曰	太	曰	太	曰	太	曰	太	曰
祀	廟	祀	廟	祀	廟	祀	廟	祀
曰	曰	曰	曰	曰	曰	曰	曰	曰

卷一百四十	亂曰討伐曰武	禁曰刑法曰	曰財賦曰	賜曰謫漢曰	李為曰求言曰	梁校曰徵臣曰	十五曰	朝賀曰
今秋七十一	功曰臣方曰	經表曰備禦曰	帳帳曰蠲復曰	防曰軍令曰	制科曰科舉曰	求漢書曰出	經史文籍曰	巡幸曰
至九十三	褒恤曰收瘼曰	保強曰恩宥曰	恤窮曰應援曰	馬政曰常平曰	銓選曰考課曰	宮女曰建都曰	祥瑞曰徵災曰	遊苑曰
又一百六	逆釋曰偽國曰	拒諫曰貸雪曰	慰諭曰慰諭曰	田畝曰賦歛曰	按察曰休假曰	易州曰宦制曰	應崇先王曰	宴集曰
至一百十五	四裔	曰平	曰誠飭曰	曰對利	曰俸	曰	曰	曰

卷一百四十

卷一百六

五

一百一十七卷  
至  
四十四卷  
存一石九十六卷  
与

唐大詔令  
同  
一  
殘缺  
而  
所載宋九朝典制  
並補史缺  
其多致宋

代掌故  
去  
之  
資  
料  
也  
是  
書  
明  
以  
漢  
傳  
本  
其  
布  
阮  
文  
達  
外  
集  
六  
年  
其

目惟張月  
宵  
藏  
方  
志  
華  
子  
錄  
缺  
奏  
六  
与  
此  
本  
同  
恐  
世  
間  
年  
完  
本  
矣

抄是跋  
畢  
覺  
中  
肉  
有  
不  
是  
處  
故  
差  
誌  
標  
記  
惜  
未  
能  
起  
陸  
君  
而  
廣

之  
未  
諸

身氏  
測  
之  
以  
為  
水  
何

一